

危太樸集

危太朴集 一函
滴麟堂遺集 六册

编著：〔元〕危素

出版：文物出版社

印刷：韩营大队装订厂
北京五四大街29号

发行：新华书店北京发行所
北京大兴县

浙江图书馆藏版

一九八六年十月木板刷印

定价：七十元

统一书号：17068·1523

危亦樸詩

籛二齋文

集十齋

吳興鏐氏

嘉業堂琴

序

臨川危太樸釋書山房將有觀乎江海之上虞集酌酒
送之而爲之言曰夫士者有一鄉之士有一國之士有
天下之士一鄉之士一鄉之人有不得而見之者矣況
一國之士乎一國之士一國之人有不得而見之者矣
況天下之士乎環百井之里以爲鄉鄉之人多矣列千
里之封以爲國一國之境廣矣合萬邦之士以爲天下
天下之體大矣而士也以一鄉以一國以天下名其何
以知之乎邵子曰有百人之人有千人之人有萬人之
人非其等乎噫何其不常見也彼所謂天下之士必有
所居之國矣一國之士必有所居之鄉矣以天下之士

一國之士而處乎一鄉焉吾不待去親戚遠墳墓而得見之不亦幸乎去臨川五百里而近有一人焉清文厲行立志自信曰范君德機者太樸旣得而從之去臨川二百里而遠又有一人焉經明道立爲人師表而曰子吳子者太樸又得而師之矣是豈非天下之士一國之士而處乎一鄉者乎而二子者歿世矣宜乎吾子之徬徨適遠而有所求也吾聞諸孟子曰一鄉之善士斯友一鄉之善士一國之善士斯友一國之善士天下之善士斯友天下之善士吾子其行矣登東山則見魯矣登太山則見天下矣吾子得一鄉之善士而友之則吾子亦一鄉之善士矣得一國之善士而友之則吾子亦一

國之善士矣得天下之善士而友之則吾子亦天下之善士矣苟得天下之善士吾請從太樸而爲之執御焉雖然子亦欲子之善與孟子之言又有之矣蓋曰以友天下之善士爲未足又尙論古之人頌其詩讀其書不知其人可乎是固求至善之道也集老且病不足以有所適從將頌詩讀書思古人之微以遲子之還可乎至元三年十月雍虞集序

元平年十月庚寅

西師登城時有諸舊思古人之難以及子之憂

以其人如子以國事至德之節也與家且與

人百之數十歲也思古之入既其

人百之數十歲也思古之入既其

人百之數十歲也思古之入既其

人百之數十歲也思古之入既其

欽定四庫全書提要

雲林集二卷

明危素撰皆在元代所作之詩納新爲編次成集者也素家居臨川相近有雲林山嘗讀書其上方方壺爲作雲林圖陳旅等俱賦詩以記其事故集卽以是爲名朱彝尊曝書亭集有是書跋稱發雕於後至元三年則彝尊所見乃元時舊版此本卷帙相符蓋猶從原刻鈔傳者特彝尊跋稱前有虞集序而此本所載乃集贈行序一篇絕與詩集無涉似爲後人所附入觀其靜志居詩話亦稱前有虞集送行序則已自知其誤而改之矣素於元末

負盛名入明以後其人不爲世所重其文亦遂不復收拾故說學齋集僅存在元之文而此集亦僅存在元之詩不足盡素之著作然氣格雄偉風骨遒上足以陵轢一時就詩論詩要不能不推爲元季一作者矣原集共詩七十六首浙江鮑氏知不足齋本復從他書蒐采增入補遺十四首較爲完備今並仍而錄之焉

危太樸雲林集卷一

南陽 迺賢易之編

詩

鳳之飛

爲北庭安魯丁縣丞母撰

鳳之飛兮朝陽暉暉彼鳳高翔兮將雛何之畬田有禾
饑不食兮山有惡木夕不棲兮西逝白日兮東流滄波
嗟嗟安母兮傷如之何

隴頭水

隴頭之水西向流莽莽寒雲草樹秋水中尙有秦時血
今古征人到此愁

贈兒大同甫之龍巖巡檢任

青青宜洋柳牡馬何彭彭玉轡錦障泥兒侯向南征兒
侯俊哲姿粲粲東吳精壯志在勲業將爲先親榮十歲
學文章十五富六經心涵宇宙表思動江河傾三十辭
社邑萬里游燕京微官坐氈冷白髮日以生瀝血奏長
策青蠅乃營營踰輪受羈綬駑駘盡騫騰得官漳州去
疾風揚旗旌漳州海之裔經雪瘴癘清磨劍耀白日抨
弓殺長鯨素節凜冰霜威稜走雷霆黎氓盡富庶田里
安芸耕蠻方服仁義坐見治化成賤子託深眷離別寔
無情月色落江水花氣通津亭廣筵集賓客高樓吹玉
笙天空北斗直酒罷鵠鷗鳴王事有期程行邁不遑寔
閩山莽遙遙楚雲浩冥冥昔如骨肉親今則參辰星夙

夜慎眠食莫畏難難嬰丈夫誓許國豈爲求斗升相期
在千古勉勉惟忠貞

懷母

季春天多陰往拜慈母墓慟哭長松根聲徹泉下土母
歿兒尙髫兒啼母仍苦兒長母不見歲遠益愁慕白日
向西流滄波自東注淒淒石上雲翳翳谷中樹撫景抱
長恨蒼天莽難愬

送張月梅游江浙拜袁伯長學士

雲林山中三日雨樓上羣峰翠如堵山人十載始歸山
旋葺茅堂種松樹踵門有客何消搖留之信宿去莫招
囊衣橐糧具舟楫千里一攬錢塘潮東方大海天下無

危言一
風雷震盪羣龍趨蓬萊仙人袁大夫因卿爲問今何如
酬答葉國賓游演法觀

聱牙細路洞門寒松柏蕭森太乙壇厓折倒流千歲乳
井空深蓄九還丹溫泉觸石陰雲起白露凋林古木攢
我愛登臨發高興賡歌自寫寄君看

山堂一首寄一二知己

結髮好經籍雅志顓山林靜恬屏世慮庶免外物侵舍
東一畝宅宴處神不淫汙汙碧澗流翳翳春雲陰雙厓
氣崑崙渴日縣欽崑天景落甞沼源泉到來深筠檜淨
茸茸藤蘿鬱沈沈頗諧曠蕩意濟世寧無心羲農安在
哉周孔不可尋唯將一斛酒坐對南山斟慷慨紫芝曲

慘淡梁甫吟朋知日疏遠何以相規箴

寄山東黃君瑞

君瑞僑鄱陽嘗有節婦白大娘詩

龍虎山頭送子歸三年不見重相思更無書到金谿縣
空有人傳節婦詩白鳥滄波春炯炯寒雲落日樹離離
相期錦水江頭醉爲報輕車已載脂

和毛越見寄黃茅山道中絕句

十里黃茅路幾株寒食花雲從山崦沒日向石林斜

杭州觀閱武和兒伯范

世祖丕圖天廣大外臣雄鎮海門西風高霄漢旌旗動
日射沙營劍戟齊元帥虎符秋氣肅三軍鱗甲曉塵低
百年禮樂今全盛故國遺民已耄齷

送朱尊師

上清真人佩瑤環遠游荆楚何當還月波流空寒似雪
雲氣拔地高於山去年乘風上京國稽首靈君好顏色
蓬萊坊裏煙霧深昔種蟠桃親手摘忽思舊隱玉隆宮
怪物鎖在深潭中浪濤無聲江漢靜兩劍噓氣如長龍
爾來復作西南去織女迴車引歸路解纓秋濯洞庭湖
采藥晨餐石鍾乳翩翩飛駟金盤陀芙蓉玉冠高嵯峨
醉中長謠送君發一夜北風吹女蘿

寄吳養浩甫吳時以集賢待制代祀南海會稽
之神

使君白雪錦盤陀際會風雲意若何代祀百神崇典禮

尊封四世沐恩波斗樞照夜奎文近仙掌凌空沆瀣多
別去經年尙羈滯相思回首一長歌

秋日懷大瀛海呂尊師

去年君自信州迴斜日江亭送酒杯猶記別時重有約
秋深日日望君來
寄書已到三茅觀四月君歸定得看楚水吳山一千里
可無消息報平安

送胡平遠之靜江蒙古學正

至元皇帝初萬國同車書臣有巴思八制作開洪圖遂
令蒙古語傳誦周海隅張官設學校州邑達國都盱江
胡學正年少躋宦途之官靜江府道遠良自劬況聞令